

近代中國史料叢刊第九輯
沈雲龍主編

雲南遊記

謝曉鐘著

文海出版社印行

中華民國五十六年八月壹初版

近代中國史料叢刊

第九輯

精裝十六
定價新台幣

主編者：沈

龍

發行人：李

振華

出版者：文海出版社

臺北縣永和鎮中興街99巷8號

郵政劃撥戶第二七八四號
電話九二一—二六五九號

印刷者：美明美術印刷廠

臺北市康定路二〇二號

經銷者：全省各大書局

版權所有

內政部登記證內版臺業字第〇八〇〇號



本書荷承

監察院

張副院長蕤鷗惠借囑予影印

特此致謝

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




清夜無塵月色如銀酒斟時
 須滿十分浮名浮利休苦勞
 神似隙中駒石中火夢中身
 雖抱文章開口誰親且陶陶
 樂取天真幾時歸玄作箇閑
 人背一張琴一壺酒一溪雲


底事來往如梭待閑看秋風
 洛水清波好在堂前細柳應
 念我莫剪柔柯仍傳語江南
 父老時與燕溪養

元祐六年十月二日
 眉山蘇軾書

璣 州 蘇 東 坡 畫 墨




黃 花 崗 烈 士 墓




溪 南 界 越 溪

Col. G. S. G. - Photo



廣 州 銅 壺 滴 漏



車電頂山 維多利亞




橋鐵之間 麥姑 攝新波




登 山 園 公 通 園




大觀樓公園全景



翠湖公園全景



原 關 鎮 全 景



景 全 園 全



中山公園
觀音亭
民國二十一年
十月十日

西 山 石 洞 與 洞 池

雲南遊記目錄

目次

遊滇須知

頁數
一……………二

香港一瞥

四……………五
一八……一九

廣州名勝——市政——風俗——特產

六……………一七

瓊州全誌及西沙羣島調查

二〇……………四七

北海記遊——明月島——黃犬蟲——廉州名勝

四八……………四九

滇越鐵路越段——海防——河內——桂越交通——老街

五〇……………五七

滇越鐵路滇段——河口——黃興舉義戰史——阿迷

五八……………六三

昆明市政與雲南政象

六五……………六八

雲南圖書館與東陸大學

六九……………七二

大觀樓及西山風景

七二……………七六

講武堂閱兵與圓通公園觀菊

七七……………七九

雲南各縣名勝—古蹟—縣志

八〇

雲南政區—縣—行政委員—縣佐—特別區

八二……八五

貴州蠻歌

八八

昆明市推行義務教育情形

八九……九〇

雲南省城學校狀況

九一……九七

雲南政治與社會實錄

九五

雲南國語普及之歷史與地域

九九……一〇二

全國教育聯合會會議情形

八七……一五〇(雜見)

雲南戲劇一斑

一〇四……一〇七

金殿及黑龍潭風景

一〇八……一一一

銅鼓歷史—苗族

一一三……一一五

東陸圖書館—昆明社會教育

一一六……一一八

雲南礦產調查錄

一一九……一二九

金碧公園——昆明氣候及風俗	一三〇……一三二
翠湖歷史及現狀	一三三……一三四
普思沿邊十二版納詳誌	一五〇……一六四
片馬問題之歷史與地理	一六五……一八一
西藏風俗與跳舞	一八二……一八三
箇舊錫業詳情	一八四……一八八
河口聞見與對汎組織	一八九……一九〇
法人治越之苛政	一九一……一九三
片馬交涉之經過及補救策	一九四……二一六
暹羅婦女生活及苗搖風俗	二一八……二二三
越南亡國之痛史	二二二……二二五
越南風俗雜詠	二二七……二二九
雲南夷人種類與土司調查	二三〇……二六九

雲南夷人生活及語言文字

二七〇……二八四

廣州關山填海兩市政

二八六……二八七

香港——地理——交通——人口——名勝

二八八……二九二

廣州教育專款之調查

二九三……二九六

上海碼頭之罪惡

二九七

雲南現行法規

二九九……三〇九

卷首插圖目錄

香港山頂電車

廣州銅壺滴漏

黃花崗烈士墓

瓊州蘇東坡遺墨

滇越交界南溪鐵橋

波渡箐獐姑寨間之鐵橋

大觀樓公園全景

翠湖公園全景

西山石洞與滇池

金殿全景

圓通公園山壁

黑龍潭全景

卷末附圖目錄

瓊崖全島明細地圖

普思沿邊十二版納詳圖

片馬交涉界爭詳圖

(三)

雲南遊記

發端

護國之役，余曾一履滇境，恒以時會所促，未能泛舟昆明爲恨。民國十二年，全國教育會聯合會，於雙十節開會昆明。先期，滇教育會遣何遜江、慶松泉兩君來滬，招待各省赴會代表。中華書局於招宴慶何兩君席間，談及余嘗東遊扶桑，北歷西伯利亞，南遍珠江流域，西登天山，足跡所及，胥有記載，已印行新疆遊記，全國一遇諸書，治地誌者，多取以爲參考。慶何兩君，因歡迎余往參觀聯會，並赴各校演講。陸費伯鴻戴懋哉兩先生歸而告余，詢余願往與否，余答以性雖喜遊，惟此途旅行極困難，須視慶何兩君歡迎有無誠意，始能決定。越明日，慶何兩君來談，語極誠懇，遂決意前往，時九月十七日事也。自是料理行李，準備赴滇諸事，遂無虛日。

由海道往雲南，法屬越南，爲必經之地。故於首途以前，須在上海請領旅行越南之護照，否則不能通過。請照手續，平時由上海行號或著名紳商，出具紹介書於江蘇交涉署，自帶四寸半身照片五張，親往靜安寺路一百二十二號江蘇交涉公署，填寫請求書，並繳護照費洋四元，印花稅洋二元，靜候護照發出。領得以後，復須帶同照片一張，護照簽字費洋八元四角，送呈法國領事簽字，並譯成法文備案，方生效力。余等此次所領護照，則由法領事署直接辦理，僅須規費洋十元，半身照片兩張，領照手續，且簡便極矣。

由滬赴滇，所經多屬熱帶地方，雲南且四時如春，氣候極佳，冬不須裘，夏可不葛，預計歸期，最遲不過夏歷下

月。故所帶被褥衣服，極其簡單，連同應用物品及書籍，行李僅只三件。一則可免越南海關檢查之麻煩，二則可免長途旅行之累重。余旅行頗有經驗，對此自優爲之，勿須他人指道；故至啓程前一日，始着手整理行裝。

由香港至昆明，沿途氣候，按程變易；且多行於深山窮谷，恒值瘴氣。而旅館飲食復粗劣，極不合夫衛生；偶不注意，容易感冒風寒。余於未啓程前，除購罐頭食品十餘件，以備沿途需用外，並備仁丹、痧藥、如意油、花露水、薄荷水、阿斯庇林、西洋參諸藥品，備供不時之需。

由滬至滇，須經英法兩國屬地，沿途所使貨幣，隨地不同。香港用港幣，（俗呼西紙）越南境內用越幣，（俗呼西貢紙）雲南境內用滇幣，各不相通；兌換率又隨時漲落，初至其地，容易受土人欺蔽，七折八扣。駐滬富滇銀行，因爲余等便利起見，特發一種旅行匯票，於滬交洋若干元與該行，沿途向該分行隨時支用。富滇銀行，本雲南省立銀行，上海、香港、海防、河口、阿迷，均有分行；沿途取用，極爲便利。故由滬首途同人川資，無不交存該行，領取旅行匯票，免吃沿途兌換之虧，以及意外之變故。

諸事既辦有頭緒，乃於九月二十五日，集合同人在漢口路富滇銀行，開一會議，議決分兩批出發。第一批於二十八日，乘花旗公司塔虎脫總統號郵船赴港；第二批於三十日，乘提督公司甲克遜總統號郵船赴港。各人自行簽定，余與吉林王希禹，山東范子遂，河南文緝熙，甘肅張文蔚，王遵先，安徽史毓琨，七人，簽定第一批出發。余於二十七日傍晚，即檢點行李，移寓三馬路登錦里謙吉旅館，就近與各代表屆期登輪，以免彼此等候，致誤時間。

▲九月二十八日晴 雲南旅行第一日也。午前十二時，發護吉旅館，乘黃包車至外虹橋招商中棧碼頭，登塔虎脫總統輪 *Pres. Taik*，趙廉臣、慶松、泉、顧旭、侯、黃、警、頭等六君，皆來遠送。午後一時，余覺飢甚，乃與顧慶、黃、范諸君登陸，就外虹橋傍一小餐館，名昇源者，略用便膳。館中食品，除白酒、粗飯、蔬菜、雞雜，而外一無所有。吳稚暉先生所謂平民飯館，恐尙未必如此耳。膳罷，別顧慶、黃等登輪，安頓行李，預備睡中覺未竣事，而輪聲已軋軋響，乘客爭相告曰：船已開頭，就視手錶，時正二時二十分也。開駛慢車，四時半始達吳淞口外，停輪候潮。至夜十時，方再啓旋放洋。晚膳以後，史君繼環，暢談相術，謂無神秘，類皆生理學、心理學之應用，不過古代無此科學名詞耳。並言相人以眼爲主，上視者傲，平視者賢，下視者愚，斜視者邪，流視者亂，以彼經歷，百無一失云云。船啓旋後，同人均展被入寢。此行七人群居，省別有六，談笑風生，頗不寂寞。

▲九月二十九日晴 日間頗有風浪，余已三年未航海，近來精神復弱，故微感困難，鎮日以床讀書消遣。乘客有嘔吐不堪者，而以婦女小孩爲尤甚。此船有一萬七千噸，船身極大，馬力極足，乘客尙覺船如此，設乘專往來滬之招商太古怡和三公司小船，不更苦乎？本船由滬到港，船價頭等九十四元，二等五十九元，三等三十四元，四等二十九元。頭二等房，設備均極周至，飲食服役亦極精美，三等客亦得會食西餐。膳食時間，早爲上午六時半，午爲十一時半，晚爲下午三時半，入夜並有茶點一次。

▲九月三十日晴 波平如鏡，海闊天空，散步甲板，心曠神怡。早六時半，過廈門，十二時半，過汕頭，下午五時，抵香港，泊於九龍碼頭，由上海至此，計行八百二十海哩。檢查嚴密，爲余過港九次所僅見。乘客不准自由上陸，來招

待者，亦禁登輪握手。旅店接江茶役，祇能以其店號名片，繫諸長竿之尖，升送乘客。余等睹此情況，知非深夜不能上陸。商務印書分館招待人員，悉亦難期晤面。乃決定找一旅店接江茶役，招呼行李，免致意外損失。於是接受平安旅館接江名片。候至夜八時半，港警檢查完畢，乘客始得魚貫由棧橋下船。余等甫抵陸地，即遇商務分館經理程雪門君等多人，隨乘小輪渡海，至海環平安旅館。以商務分館先期預定廣泰來棧房間，為同人下宿，遂改寓廣泰來。而平安旅館搬運行李及接江規費，則已共耗港幣五元。設先找定廣泰來，則此五元不浪費矣。晚膳席間，就詢程君今日檢查嚴密原因。程謂：聞港政府近接無線電告，稱塔虎脫輪由美載來軍械，因特別檢查加嚴云。膳畢少休，已十二時，乃急沐浴就寢。但初由溫帶轉入熱帶，殊覺熱不可耐，聞壁鐘已鳴三下，始能成眠。

▲十月一日晴。全身者紗，尚須揮扇。早膳後，偕同人赴荷李活道商務印書分館，答拜程君雪門，並託渠打聽開赴海防船期。繼至富源銀行取款，藉詢雲南最近情形。返寓時已正午，乃提早用膳，以便遊覽太平山上各景。膳畢，適程雪門偕周翔欣李拱辰鄭啟賢三君來寓，遂偕遊植物園。園位香港總督府後，高踞山半，俗呼大花園。外繞石垣，依山坡陀，顯成邱壑，熱帶植物，靡不具備。中建銅像，即曾任香港總督可羅攏 *Arthur Korooby*。像後有一水池，內蓄金魚，設機噴水。像傍陳有古砲二尊，狀極嚴肅。四近老幹交蔭，暑氣為之大減。余等乃坐飛來椅上，眺望四周風景。迎面九龍半島，高聳若屏，其麓煙突林立，市街整齊，足徵繁富。海中停泊海輪，數達百艘，帆艇電船，往來如織。每環市廛，階級上昇，縱橫幾及山半。右望則銅鑼灣，水師台，屢歷在目。左望則東西港口，曲折迴環，更有小嶼，散佈海中，上建戍壘。回首向後，則逼山洋樹，間以森林，宛然國畫。坐玩移時，嘆為佳絕。然設為吾國所有，不過仍一

石山與漁村耳。於此足徵英人建設力量之宏，而吾國尤爲遠東病夫也。園右養花室，異卉羅列，芬芳撲鼻，花盆布置，即境成趣。室中溫度合宜，且地皆塞門磚土築成，清潔可臥。觀畢出園，復與同人偕乘山頂電車（參看卷首香港山頂電車照片）。登山遠眺，陸軍營房，無線電台，逐一瞻覽。惟借船政局長英人私宅後方山頂之亭，與無線電台後方山頂之曰人私宅，禁人入覽，未能登絕頂耳。偶憶民國九年過此，兩嶺尙未建屋，任余踞坐四望，不勝今昔之感。山頂交通器具，全恃轎子，每乘抬以二人，每十分鐘，給銀二角，此由港政府所規定者。下山仍乘電車，身向後退，沿綫山花，鬱紅競艷，恍惚吾湘暮春時節，頓起鄉關之感。下車，循水師營房，折左入海環馬路，步行歸寓。現在太平山上住宅，較前增多數倍。故乘山頂電車，必須頭等。三等車中，皆爲山居閩人奴僕所據，有時且不能容。遠來旅客，不必惜此小費，致掩鼻而受擁擠之苦也。山頂電車價目，頭等每人港幣三角，三等一角。入夜九時，檢點隨身行李，登金山輪，往遊廣州。以赴海防之船，最近只有兩艘：南圻於四號展輪，利生於五號啓旋。同人決乘利生，尙有時間可覘廣州市政與名勝故也。十時開船，余立船尾，眺望香港市街，電光四射，夜景幽絕。乃口占一絕云：海波蕩漾電光微，宛似星河天際移。回首太平山上路，萬家洋樹主人非。本輪船價，頭等五元，有床位，有被褥，二等二元二角，另加帆布椅租洋一角，茶洋二角，皆須港幣。售票慣例，並在船開以後，始向乘客收錢給票。

▲十月二日晴。在廣州。上午五時，即抵廣州長堤。登陸後，軍警爭來檢查行李。檢查既畢，史范張王文王六君，隨李佐才驅車寓永漢路廣州酒店。余亦乘車至德宣路，德國五號，訪老友王權君、壽漁凡。渠輩尙未起床，急呼之起，相見甚歡。催用早膳，往訪督凡、大慈、大顯、吉占、蘭蕪、劍夫、諸友。吉占寓廣泰來，新納一寵，定今晚首途赴滬，乃先

訪吉占諸友訪問既畢，乃遊第一公園，園就前清撫署舊址改建。當辛亥改革之際，武漢發難，廣東響應，撫署爲火所焚，署址荒涼，不堪入目。遂民國十年，孫中山開府廣東，下令市廳建築第一公園，所有亭榭花畦，布置多仿西式，規模亦極宏麗，惜太平板，無有邱壑氣耳。繼遊觀音山，山距德園甚近，舊名越秀山，上有越王台故址，亦名越王山。明永樂初，指揮使花英於山巔建觀音閣，故俗呼觀音山。清代總督衙門（今爲廣東省長公署），巡撫衙門（即今第一公園），藩臺衙門（今爲廣東省財政廳署），皆在山麓附近，山因此甚著名。上有三元宮，建自東晉，南海太守鮑鮑，初名越岡院，明時始更名。內供蓮家神像，規模亦頗足稱。前清末造，粵吏於此建築砲壘，拱衛督署。民國四五年間，龍濟光督粵，曾在山上遍置鐵網，以避砲擊，時有鐵網龍宮之謠。民國十年，撤廢砲壘，建議開放，現已盡爲第二公園，正在建築之中。下山，便道訪問讓園，永言、桐園、漢良諸友，即歸德園晚膳，登鐘已鳴九下矣。膳畢，復與淮君暢敘離情，並詳詢廣州名勝及現在社會狀況。余於五年九年，均曾居此甚久，各地名勝，皆往遊覽，甚有一地曾數去者。今於談次，觸動思舊之懷，故一一詳詢，談至雞鳴始寢。

▲十月三日晴 上午在廣州，下午返香港。日中熱不減於香港，衣紗且須揮扇。督凡、濬、凡、淮君、三友，預備時蔬多味，正午爲余洗塵，余復準備夜船返港，無暇冒暑訪友。乃靜坐德園，走筆雜記名勝風俗與市政，以消永晝。

(A) 白雲山，山在市北十里許，上多白雲故名，高達三百餘丈，盤據數十餘里。其下有龍泉，龍泉之下，即大小水簾洞。其北一里，有鶴舒台，相傳爲鄭安期生飛昇之處。台之北面，有飛霞閣，高及百仞，瀑布飛流，景緻可觀，惟今已不如昔時之盛。又有虎跑泉，宋運使於其傍建龍泉寺，題曰千峯紫翠亭，天南第一峯，泉今已涸。西南一里

爲玉虹洞，其南有聚龍岡，潛水巖，菖蒲湖，蒲湖寺，煉丹井諸勝；左有菊湖，今湮。近年以來，此山恆爲戍守要地，非軍政界人不能往遊。且其景緻多爲軍隊所敗壞，不復如昔時清幽宜人矣。

(B) 黃花岡，岡在白雲山前，農林試驗場後。以辛亥三月二十九日，死難廣州之七十二烈士，瘞葬於此得名，所謂地以人傳者也。距市約三四里，有馬路可通汽車。正面有大塚一，卽七十二烈士葬葬之所。塚後樹有石坊，上嵌白石七十二方，爲國民黨各支部所獻，用以紀念七十二烈士之英魂也。石坊之巔，立有自由神一，正面石梁，有章炳麟題締造民國七十二烈士紀功坊十二字，式極悲壯，令人憑吊唏噓。而入黃花岡之東沙馬路旁，前後有史堅如、溫生才各祠墓。其東面爲二望岡，爲滇軍將士戰死中者之墓地，均屬爲國捐軀之忠骨，堪垂不朽。

(C) 馬鞍山，山在市北，一名馬鞍崗。水經注蔡氏廣州記稱城北有馬鞍崗，秦時占氣者言南方有王氣，始皇乃發民夫，鑿斷此崗，地中出血。漢馬伏波曾駐兵其地，今爲廣州近郊名勝。

(D) 六榕寺，亦名淨慧寺，在市內花塔街，內有舍利塔。寺之建築，創始於梁大同三年，重修於唐高宗時。宋端拱中，易名淨慧。其塔後廢，宋元祐間，郡人林修建千佛塔，紹聖中，蘇東坡南謫，頌曰六榕，因得今名。然是時並未有榕，觀食肉僧鐵禪語，卽足證明。其出邊云：補昔之所無，榕不限於六，塔高六層，約十二丈，甚爲偉觀。中有花園，酒館，茶樓，照相館，足供遊憩宴集。又有六祖慧能銅像，高達八尺，古色盎然，蓋從南華肉身模倣而造者。佛教信徒過此，恒頂禮之。寺前傳有吊碑，古井，泉味甘美異常，惜今不存，無從徵信。院內有一高大石坊，上刻六祖佛偈，其詞曰：菩提本無樹，明鏡亦非台，本來無一物，何必惹塵埃。慧養深永，至可玩味。

(E) 銅漏壺。現藏市內拱北樓上，傳爲南越古蹟。越王趙陀所設，重修於宋元祐三年十二月十六日。壺後列廣東宣慰使司元帥府監鑄諸官姓氏，凡二十一行，壺凡四個，上天下小，今皆存在。廣州當局特佈告示保存，留爲紀念。上皆粘有眼，看手勿動字條，以禁遊人任意毀壞。考其設置原因，蓋因歷朝未有鐘表，難分時間早晚，故造銅壺四個，上天下小，上下貫列，分爲日月星辰，並長流滴水，分別時刻，藉知晝夜長短者也。（參看附圖）

(F) 光孝寺。寺在市之西北，乃南越趙建德之故宅，吳虞翻之園囿也。虞翻居此，多植蘋婆訶子樹，名曰虞苑。唐儀鳳中，六祖慧能祝髮於此。圖經則稱：原爲乾明、法性二寺，後併爲一。中有達摩井、風幡堂、睡佛閣諸勝。又有軒名筆授，傳爲唐相房融授經之處。六朝以還，代有名僧居此，稱爲道場第一，今猶足供遊覽。

(G) 光塔。塔在市內光塔街，本名懷聖寺，唐時番蘇所創。有塔曰懷聖塔，其巔樹一金鷄，隨風南北移動。每歲舊曆五六月，土人於五穀登場時，多登其頂，呼佛號以祈風信。明洪武中，金雞墮於颶風，俗遂稱曰光塔。或曰番蘇爲回教徒，其塔卽回俗建築之式云。

(H) 海珠。乃一石灘小島，厥狀若船，背位珠江中心，近因長堤築路，偏近北岸。宋寶祐中，郡人李昇英與僧鑿儀，移建慈度寺於其上，前有文溪祠，蘇東坡及李伯震，均有詩紀其事。民國以來，迭爲衙署。護國之役，護國派與龍濟光召集海珠會議，龍懷暗殺陰謀，湯覺頓、譚學衡、王廣齡等，殉難於此。民國六年，護法軍與海軍南來，程璧光以之爲司令部。七年三月，程氏爲人暗殺，今於前端豎立程之銅像，蓋資紀念者也。七年以後，歷爲南方海軍部所在，逮及今年，海軍受北方運動，調艦離省，遂爲今大本營軍政部辦公之處。

(J) 五仙觀 觀在市西，相傳周時有五仙人，手各執穗，一莖六出，乘羊而至，衣與羊各異其色，如五方然。既遺穗與州人，乃騰空而去，羊化爲石。州人就其地爲祠祀之，唐李羣玉、宋古成之，均有詩紀其事。現在羊城、穗城之名，卽本諸此。

(J) 荔枝灣 位市西南，黃沙、蓮西，粵漢鐵路近傍，卽漢昌華院故址。南越志云：江南洲，周迴九十里，中有荔枝洲，荔枝冬夏不凋，有小港通遊艇，爲粵城近郊消暑第一佳處。有陳芳村建一荔枝園，地尤適中，可供遊憩。陳廉伯等，亦建消暑館於其地，以資遊覽。兩處建築，均具西洋鄉村風格，洗盡吾國舊時別墅俗氣。

(K) 花棟 在珠江西南，有大小花園數十，以是粵俗香歷元日賽花，甚爲熱鬧。中有孤兒院，爲陳振華、就黃大仙觀所改造，規模宏大，辦理亦極良善，成績之佳，各省無匹。陳雖被殺，此舉殊足稱道。舊傳黃大仙爲葛洪弟子，得葛遺下一丹，遂爲陸地神仙，粵人因建此觀祀之。花棟之右，爲石圍塘，卽廣三鐵路發軔之所。再右爲上下芳村，有日本醫院，及外人所辦之培英學校，建築均有可觀。

(L) 東山 山在市東郊外，農林試驗場之前偏左。廣九鐵路經過其傍，勢爲丘阜，外人多往其地，經營建築，以爲留寓住宅。粵人群起效之，建築悉爲西式，遂有西洋鄉村之風，現爲資本家及教民會萃之處。中有教會設立之培正學校，內分中學、小學、兩部，男女學生多至八九百人。又有公共游泳場，每值夏令，青年男女，多往同遊於河中，饒有西洋風氣，此爲各省現在所無者也。

(M) 大沙頭 此爲珠江河中流沙湧成之洲。李烈鈞於其上建築以太花園，負郭臨水，風景亦有可觀。

(N) 二沙頭，面積次於大沙頭，而形狹長。魏邦平建頤養園於其上，建築奇偉，陳設精緻，均爲粵中住宅之冠。

(O) 沙面，沙面在市之西南，臨白鵝潭，四面環水，界限天然，長約二千五百八十尺，寬約九百五十尺，爲英法兩國之租界區域。其中建築純爲西式，外國富商多居於此，就中以英籍爲最多，約佔五分之四。當鴉片戰爭之後，英人佔領花塔地方爲領事署，法人佔領城隍廟地爲領事署，所有戰時焚燬外商房屋，則在沙面重行建築，遂成今日之繁盛。粵城每值政變，當局要人，輒先移家沙面以避危險。

(P) 河南，以在珠江南岸得名，面積周百餘里，上自白鵝潭（舊傳大風雨時，必有白鵝二羽，浮出潭中，故名），下至黃浦，實一四面環水之大洲。其上市廛櫛比，居民甚密，士敏土廠卽居其中，現爲大元帥府所在。其下遊十里許，外國教會所辦之嶺南大學在焉，地址清幽，空氣流暢。校中設有大學、中學、小學各級，學生男女兼收，共計七八百人，每年經費約四十萬元，規模宏大，設備完美，爲廣州各校所不及。

(Q) 廣雅書院，位於西村車站近旁。張之洞督粵時，曾盡力爲之擴充，建築雄偉，風景清幽。今改廣東省立第一中學校，學生達千餘人，現校長爲王仁宇，畢業日本高工，今年被舉爲赴滇參會廣東代表。

(R) 廣東圖書館，舊稱學海堂，張之洞最有倡提經營之功。其中藏書甚富，凡粵中先進著述，多有藏板。

(S) 高等師範，卽舊貢院故址，前清末造，改設優級師範，民國改稱高等師範。經費皆自國庫支出，現有學生，連同附屬部分共千餘人，全年經費二十餘萬元，辦理設備，均稱完美。現校長金曾澄，尤具幹才，今年赴滇參

會代表金君其一。近議改爲國立師範大學，進行頗力，聞有華僑某君，獨捐十二萬元，專爲辦理附屬小學之用。校舍正在建築中，將來成績，必多可觀。

(T) 農業專門學校。在東山之側，與培正學校相距極近。廣東氣候與土宜，均宜種植，此校辦理亦甚得法。學生製造桐油，能加顏色，使成種種美麗之油漆。惜校舍多爲軍事毀壞，無款建築，學生恒處草棚之中，現正募款待建。校長名鄧植儀，曾留學美國。

(U) 南園。在南關二馬路，卽抗風軒故址。明初孫實、黃哲、王佐、李德、趙介輩，結詩社於此，稱南園五先生。其後顧楨伯、梁公實、黎惟敬、李少階、吳蘭皋等，復結詩社於此，稱後五先生。今建洋樓，爲大酒館，規模宏大，設備華美。院中復有假山太湖，擬於花園。

(W) 西園。舊在廣州府署之側，宋余靖有寄題田侍制廣州西園之作。現遷築於舊將軍署側，爲一蒼麗酒館，菜以烹蛇著名。

(X) 北園。在小北門外，卽明黃佐書院舊址。今改酒館，陳設美備，酒筵華貴，塔與南園西園並觀。

(Y) 東園。在東堤後惠州會館側。昔爲新世界遊藝場，熱鬧盛極一時，又有酒館以供遊宴，今已歇業。名勝紀述既竟，仰視壁鐘，尙未到十一時，午膳方開始烹飪。休息一刻，復執筆而續記市政與民風。預計時間，必能趁到夜船返港。

廣州市內居民，合舊城、西關、河南、花埭併計，總在二百萬以上，較北京上海市民猶多。惜無精確統計，分別何

區若干，何種職業居最多數。昔日街道，皆甚狹隘，祇有長堤一帶，入民國來，築修馬路，可通東沙。逮民國九年，楊永泰任省長，魏邦平長警務處，始有市政及改建馬路之規畫，定第一期爲城區，第二期爲西湖。首先改建天字碼頭，繼經雙門底、省公署（舊督軍署，後改總統府，今已標賣）、德宣路等處，建築一德路、泰康路、高福路、惠愛路，諸馬路，工程未竣，而粵軍已回粵。孫中山來粵，組織政府，任孫科爲廣州市政廳長，仍照原有計劃，進行築路，並將城垣拆毀，就城基修築馬路，馬路因以四通。現將按第二期計劃，次第修築西關諸路矣。築路之初，收用土地，祇付地價二成，一般紳商及貧民，均反對甚力，當局不稍顧忌，竟得成功。然因是而自滋者，恒數百人，積忿成瘋癲者，竟達一千餘人，可見改革之非易也。昔日市政，頗形腐敗，俗有電燈不明，電話不通，馬路不平，自來水不清之謠。自設市政廳後，各事均已逐漸改良，無復昔日腐敗氣矣。

市廳之組織，悉倣西制，市長之下，設財政、公安、衛生、教育、公用、工務六局。財政管理市產及市內徵課事宜，公安管理治安警察及消防各項，衛生管理各項衛生及清道防疫諸務，教育管理市立各校及小學，公用管理電話電燈自來水馬路公園諸事，工務則管理建築公用場所事宜。組織雖極完備，而辦理頗未盡善，現又有擴張市區之規劃，印有詳表公布矣。

廣州民俗，在昔僻處南荒，一切均與中原不同，而言語尤鈞轄，所謂南蠻鴉舌是也。自明嘉靖年間，葡萄牙人來中國通商，首至廣州，粵人漸與歐人相習。清代康乾兩朝，出洋工作者益衆，因此習尚稍沾歐化，然大部分一仍其舊。入民國後，始漸稍事革新，而婚嫁男女之事，猶多陋俗。男女至不平等，尤以第四階級爲甚。男子大半嗜賭博，

爲匪盜，不事工作。女子則終日勤勞，舉凡耕作、担挑、建築、織造之類，皆屬女子分內之事。步行馬路，往往見女人肩挑百餘斤，奔走炎日之下，而背猶負一小孩，其情形可憫，其人格可敬。又往往見有無業男子，娶平妻至八九人之多，或令在家工作，服役紡織，或令出外幫傭担挑，以各人所得工資，供其賭博浪費，女子竟無避免之術，抗議之權。是以貧家女子，以出嫁爲畏途，一旦遇人不淑，則終身無片刻歡娛。而順德一縣，女子因畏嫁成習，遂有十姊妹之聯結。聞十姊妹結合之初，仍分配偶，由各人自由認定，認定之後，則與夫婦等分，較平時真正夫婦尤嚴，以行其不正當之娛樂。富人恣所欲爲，姬妾盈室，而女子亦不以平妻（此爲廣東特別名詞，如江浙之兩頭大，不過江浙之兩頭大以兩女人爲限，粵則十餘人或數十人，亦稱平妻）及妾侍爲恥。曩見鮑長卿之姨太太，多至二十餘人；林治平藥商之子某，築有非園，年甫弱冠，吸食鴉片，去年曾於同日娶十妾入室。即廣東著名之風頭女學校長胡良玉，前年由大腹賈劉煥，以三萬三千金，娶爲第八侍妾，而亦安然歸之。其他，男女不平等之陋俗，由此可以類推。

粵中對於女子最不人道之事，莫如替姬。有種賤婦，常買貧家小女，教之歌唱，而以藥水刺瞎其雙眼，供人奸宿，任人玩弄。而大人先生不第不加禁止，且以此爲娛樂品。近且議援花捐之列，對替姬亦抽捐稅，此爲最堪浩嘆之事。又海豐、陸豐兩縣婦女，於夫死後，招一男子入室，頂替前夫之名，主持家務，如同贅壻。又其慣例，生第一男，立爲前夫之後，第二男以後，始能嗣續新夫。

粵人界限之心最濃厚，由小而大，無在不然。姓與姓之間，鄉與鄉之間，往往積不相能，致起械鬪，動則死傷至數十人或數百人。此種陋俗，今猶未熄。於分彼此之聞，又極迷信。往往父母死後，埋葬數年，復行掘出，由兄弟平分

骸骨，各用瓦罈盛之，再爲分別重葬。此種蠻俗，亟宜革除，蓋其禍害，上足及於國家之組織，下足妨害社會之治安。而粵中士夫，竟無議及之者，真怪事也。

粵人於飲食最講究，茶樓酒館之奢靡，甲於二十二行省。諺云：生在蘇州，穿在杭州，吃在廣州，足徵粵人自古即注重食欲也。尤喜食異物，如三蛇羹、龍虎鬪（蛇貓合烹）、龍虱禾蟲（大約即脊索動物之蛞蝓）皆爲外省人所不敢食者，而粵人視爲珍味，亦奇事也。粵中廚役工價極昂，每月有至五六百元者。昔唐紹儀巡撫奉天，聘一廚役，月薪爲三百元，時論譏其太奢侈。實未躬歷廣州，實地考察，發此少見多怪之談。

粵以地居熱帶，所產水菓極多，荔枝、楊梅、芒果、青皮、番石榴、檳榔、椰子之屬，多爲他省所無。而增城之掛爐荔枝，潮州之柑子，新會之橙子，化州之橘子，尤爲著名。荔枝性熱，摘後宿之井中，沃以寒泉，火氣既去，金液斯純。以正陽精蕊，配以正陰精液，不惟甘而且旨，且爲最上補品。昔人詩云：露井寒泉百尺深，摘來經宿井中沉，日精化作月華冷，多食令人補太陰。椰子多產於瓊崖，栽時以鹽置根，則質肥碩無比。每果實內，皆含清液升許，微有酒味。蘇東坡詩云：美酒生林不待儀（儀即儀狄），卽此物也。瓊人待客，每以檳榔代茶，椰漿代酒。昔人詩云：瓊南無酒家，酒向椰中取，椰子有一心，出酒如娘乳。又曰：椰心在酒中，大如銀桃子，浸以玉漿寒，食之甘且旨。

粵有一種民族，長居艇上，名曰疍戶，俗稱艇婦。艇婦多善唱土調，王漁洋詩所謂艇船爭唱打魚歌是也。舊傳：疍戶爲秦漢時，漢族南徙，黎族受迫，無地可居，遂作浮家泛宅之客。又有謂係宋末遺民徙居者，二說未知孰是。但清以前，與陸居之民，界限極嚴。陸民往往禁其登岸，又不與通婚姻，視爲下等民族。若浙人之於惰民，人民國後，此

種界限，稍爲化除。且有專作賣笑生涯，以供陸民娛樂者。

粵人於妓女稱謂，亦有特別名詞。呼嫖官人曰老畢，呼清官人曰批棍仔，呼私娼曰車貨。近年政局不靖，社會生計日困，車貨營業，爲之激增。酒店旅館，到處叫之即來。又有一種青年男子，營賣淫業，名曰契弟，亦可於酒店（廣州上等旅館，均稱酒店，如亞洲酒店、西濠酒店、海珠酒店、廣州酒店之類是也。）旅館中，叫來好宿。廣州尼姑，亦多操營神女生涯，供人茶圍飯局，實無異於娼妓。惟夜度資，則較車貨老畢尤昂。此種尼姑，仍着道服，仍戴道冠，仍住廟院。雖遊浙江嘉興，亦聞有此風俗。但須熟人帶領引見。中國真算地大物博，無奇不有。（嘉興尼姑善作湯團，小如衣紐，味極適口。遊人往茶圍時，花銀數元，即可得食此味。）

粵人對於舊歷佳節，極其注重。過年則每家必有鼓燈，並陳多種菓品，而鑼鼓之聲，遍於街巷。其餘節氣，亦極熱鬧，而尤注重七夕與冬至。七夕則家家皆陳菓盤及古玩，並設秧殼一盤。少婦飽裝麗服坐室中，任人觀覽，與品評，且自揭得意。冬至則盛設祭儀，登山祭祖，復各家互相送禮，絡繹於途。端節中秋，又喜燃放鞭炮，並吃燒豬。至結婚與老年生辰，燃放鞭炮，更形熱鬧。因此粵中鞭炮製造之精巧，勝於湖南瀏陽十倍。

粵中匪患，甲於各省，無論通都大邑，皆有匪徒瀰跡其中，而窮鄉僻壤，尤爲匪窟。管子寓兵於農，廣東則高匪於農也。陸上則劫火車，水上則劫輪船，能力之大，埒於四川棒客，山東响馬，關東鬻匪。近年受軍事影響，更形縱肆，恆有劫奪軍隊餉械之事，推其原因，皆由煙賭所賜者也。

廣州自來有三多之稱，即賭多、匪多、烟多是也。現在烟館改名談話處，小街偏巷，仍到處有之，禁烟局並正式